

Eshi-tatipannakaniti atshitashuna

Miam ka ishi-uitakanit tshe ishinakuak anite katshishkutamatshu-kanut, peikuai ka apatshiakanit, eukuan ume tshe ishi-tatipannakaniti atshitashuna :

TATUAU E NA-TSHIPANNANUT 1	TATUAU E NA-TSHIPANNANUT 2	TATUAU E NA-TSHIPANNANUT 3	MAMU E ATSHITAKANIT
20%	20%	60%	100%

Ne tshe ishpish atshitakanit anite katshishkutamatshu-kanut, 20% ishpitenitakuan neme nutim etatshitashunanut peikupipuna. Eukuan ne kie eshinakuak anite tshishe-utshimau umashinaikana etutakanitau. Nenua tshishe-utshimau unanatu-tshissenitamunua etutakau auassat, 50% ishpitenitakuan neme nutim etatshitashunanut peikupipuna.

Mashinaikanitshuap Tshakapesh nenu tipenitam^u atusseunnu etutakannit anite GPI, uin nenu nakatuapatam^u e tatatshipitakanniti atshitashuna, mashinaikanitshuap Tshakapesh unanatu-tshissenitamuna ka tutakaniti anite mishue innu-assit kie nete tshishe-utshimat.

Ne katshishkutamuakanisht patshitinaki nenu aimunnu eka katshi natshi-tutak umashinaikan, ka utshipannit anite mashinaikanitshuapit Tshakapesh kie ma tshishe-utshimat, tshika kanuenitam^u atshitashuna nenu ka ishpish mamushatshinak peikupipuna.

- ◆ Mashinaikannu uetshipannit unatukunishima, uatakannit eka katshi tat anite katshishkutamatshuapit nenu tshishikunu miam ka tutakannit nanatu-tshissenitamunnu;
- ◆ Mashinaikannu uetshipannit nete ka uaeshtakannit, uatakannit eka katshi tat anite katshishkutamatshuapit nenu tshishikunu miam ka tutakannit nanatu-tshissenitamunnu;

- ◆ Mashinaikannu uetshipannit anite katipenitaminiti katshishkutamatshuapinu, uatakannit uikanisha eka enniuniti ne katshishkutamuakanisht;
- ◆ Mashinaikannu uetshipannit anite katipenitaminiti katshishkutamatshuapinu, uatakannit eka katshi tat katshishkutamuakanisht anite katshishkutamatshuapit tutakanitau nanatu-tshissenitamuna, tanite ituteu nete upime utenat (kie nenua katipenitaminiti tapuetaminua nenu tshatutet);

Nenua nananu-tshissenitamuna ka tutahk auassat, nete mashinaikanitshuapit Tshakapesh kanuenitakannu peikupipuna. Muk^u anitshenat katipenitahk katshishkutamatshuapit tshi katshitanuamat nenu mashinaikana, tshiek ma uikanishimau natuenitaki tshetshi uaeshtishitapatakannit utauassima umashinaikannu.

Neni nanatu-tshissenitamuna **Atshitashuna anite 4 ka itapiht ka mamishishtihk ka tutahk** mak **Mishtikushiu-aimun anite 5 ka itapiht ka mamishishtihk ka tutahk** anite tshishe-utshimat utshipanua (MEES). Tshipa tshi ne katshishkutamuakanisht kau tshi tutam^u eka pimipanniti, nemenu upau-pishimua kie ma tshishe-pishimua. Neni kutaka nanatu-tshissenitamuna uetshipannit nete tshishe-utshimat uemut nenua katshishkutamuakanishihk tshika ui tutamuat. Apu kau nenua auen tshi tutak eka pimipanniti. Apu kie kau tshi tutakaniti neni nananu-tshissenitamuna ka utshipannit anite mashinaikanitshuapit Tshakapesh.

NANATU-TSHISSENITAMUNA
MISHUE INNU-ASSIT KA
TUTAKANITI 2016